

四庫全書

集部

欽定四庫全書

松桂堂全集卷二十五

乙丑

吏部侍郎彭孫通撰

夏日集一峰草堂送邱季貞還淮安

斜日薄林巒離亭暝色闌寂寥河朔飲清切雍門彈白  
首成今別青雲渺昔懽川途人共遠驛路暑初殘轉軼  
經修坂揚舲下濁湍晚山淮甸碧秋水射陂寒舊隱淹  
叢桂新吟續採蘭羞池憐小草能不憶長安

送顧孝奇還吳

孝奇以乙榜候補  
內閣中書舍人

盛世寧須歎積薪，高才未合久沉淪。  
漫題芍藥階前句，待作櫻桃宴裏人。  
此去吟將吳岫月，重來占得曲江春。  
蓬山舊境依然是，弱水何曾隔一塵。

露白風淒木葉號，離情秋色共蕭騷。  
從知別後縈清夢，暫與尊前泥濁醪。  
積雨成陰迷去騎，空江帆影落寒濤。  
銷魂兩字誰能賦，枉費江郎五色毫。

晚出成賢街作

壁池春水縠紋寒坐挹淪漪媿素餐豈敢浮湛孤  
聖主祇將衰劣玷儒官桐花雨過清厭浥槐樹風疎翠  
鬱盤却向成賢街上望宮牆縹緲五雲端

量移後作

藩雀何須振羽翰林蟬本自耐清寒十年身是孤生士  
三月

恩蒙再徙官巾笥漸疎青管澁衣書欲綻白魚乾強思  
報塞曾何補終向滄洲老釣竿

送王庶一觀察江右

龍節熊旂擁上游，星軺此日下椒邱。  
平反西寺三千屬，觀察南方十四州。  
山驛秋陰無舊壘，江城春雨有新謳。  
政成好踐巖廊上，早信扶陽世德優。

得友人沈寅工凶問詩以哭之

素車不赴淚空零，旅櫬蕭蕭下井陘。  
他日重尋班草地，春蕪一片審山青。

西山率爾有作興盡本韻

俊鳥不受籠良馬不戀棧可憐干祿子千里事羈宦戚  
戚常慙懽悠悠歲云晏倖直赴東華王事懼稽慢於時  
蒞嚴辰酸風入衣襟日瘦雲連蜷白如莢與亂硯池憂  
清水墨糝落瓜瓣投筆一憮然職業苦難辦自笑踈野  
人仕學曩未慣豈意河東豕來叨大官恭低頭增吾慙  
敢辭同位訕却憶五年前英賢此追扳出入有行列春  
容若舒雁崑山既即世宣城亦觀幻大招招不得廣柳  
送枯骸歸葬山之阿墓木今可鑿風流不可作思之淚

為潛晚出繚垣西好山生顧盼遙想蒼寒中巖壑相側  
間有石蘿可捫有泉魚可汕貞松老更嫵晚菊寒猶綻  
念欲往從之苦遭名位綰徒使一寸心慚林復媿澗因  
茲感人事往往更憂患鄭璞每喪真魯鼎或多贗美服  
人所指高門鬼來睨才雋鄴生誅法敝商君輟乃知大  
海鵬未若藩籬鷄逝當還初服荷衣手自攬山妻善操  
作布裙不施襜裾拾以自資有兒甫童外力田課桑麻  
灌園蒔葵覓春社羅雞豚臘酒索貓戲遑恤亭尉訶一

任薄俗嫚行矣方自今往者不可諫

古槐

槐廳有木木有枝百餘年物無人知  
苦遭霜雪日摧挫不肯荏苒同凡姿  
老龍蛻爪龜裂壘水中有火心未燼  
寄聲為語殷東陽莫道婆娑生意盡

雙鷺篇

新河人宋登春以詩名嘉隆間流寓江陵之  
天鷺池自號鷺池生死百餘年矣康熙辛酉



柘城王培宰新河讀其詩而慕之刻碑表其  
故里夜有雙鷺止碑上里人迫之不去籠以  
獻培培為鑿池解中馴畜之鷺時時鳴舞向  
培若感恩狀吾友周岷公親見其事為予道  
之如此

燕趙之間多奇士曩者乃有鷺池生狂吟徃徃吐秀句  
五言籍甚稱長城挾書之楚作僑客忍餓時出金石聲  
荊州太守造廬下堅卧不肯開柴荆籜冠皂衫徃報謁

直踞上坐人皆驚晚遊吳越蹈浙水一死埒於鴻毛輕  
吟魂逝後百餘載誰歌楚些陳吳羹柘城王郎新河宰  
讀其遺句心為傾可憐宅里久蕪沒刻以片石青瑤英  
雙鸞瞥然下池沼迫之不去飛且鳴口不能言告以臆  
願娛耳目酌深情我聞此事疑又駭還復以理相推評  
古來冥感儻類此不在用物多取精衛姬化雉出隧道  
潼亭鳥淚霑杜塋悠悠物變費推測耿耿節義留精誠  
生雖匹士是或有款啓未可窮幽明百年同盡骨速朽

人生飄忽如飛蟲神耶怪耶姑勿語慎勿磨滅身後名  
題雷田濯足萬里流圖

有履不受尚方賜有機不教廷尉結黃埃野馬易汙人  
濯去滄浪千頃雪迷陽卻曲無不可肯向風塵久斃甕  
市朝自窄宇宙寬高卧山中踏明月

送張毅文歸郁洲山

安能躡屐遍五岳尚平志願終難諧會心何處不在遠  
一邱一壑亦復佳郁洲山水况佳絕是中靈境天安排

銀房玉柱架幽壑瓊枝瑤草被蒼厓一從主人出山去  
雲泥隔絕如天涯可憐世路舊刺促右蠶左觸同一蝸  
陸沉潦到真可笑壽王格五枚生俳豈如稅駕返初服  
掉臂擲却青絲絢山中高卧謝人事邈然霄漢誰能階  
我亦有意不自得烟姿霞骨徒塵霾明年決計脫羈鞅  
青鞋布襪與子偕

歲除即事四首

一杯雪酒淡相於小飮辛盤有菜菹始信貧家輕節物

因知久宦減田廬  
闌干星斗三商後  
偃仰風塵十載餘

余自己卯蒙恩湔洗  
留京師者十有一年矣  
寄語山靈休見誚從來

盛世薄樵漁

檢罷殘編起欠伸  
屋梁饑鼠嘯承塵  
囊無絳雪真憂老

甕有黃虀豈患貧  
蠅翼乍凋悲郢匠  
范冠空戴感成人

此心已是同灰槁  
憑仗春風與發陳  
項十一月張武承  
宮贊物故予執友

也十二月  
初鄉人南來又得從兄子服  
凶問余未及製功衰但為位曲偯而已

習習流年百感盈  
熒熒殘雪半窗明  
風前寒玉淒涼語

霜外晨鐘斷續聲薄祿有加慚素食間官無補媿蒼生

可憐燈火闌珊夜

一作寒燈焰  
小如螢碧

猶為愁人理藥鎗

一枝曾此寄鷓鴣南郭連牆慰寂寥茂苑音書徒契濶  
宣城館舍久蕭條殘缸易燼和灰冷寒漏難憑上水遙  
病婦猶然催視夜明星有爛好趨朝

除夕次說巖先生韻

玉珂初向直廬還樞馬聲中獨掩闥錦帶新篇江令筆  
白雲舊隱謝公山頻煩禁闥才俱健把玩年華意自閒

幾欲相從肄宵雅祗憐垂老益衰頽

紫宸仙仗集端門玉律陽回紀歲元鵠立千官班舜瑞

山呼

萬歲薦堯樽儒臣重席叨

深眷膳宰加邊見

特恩莫道東郊迎氣晚九天笑語藹春溫

松桂堂全集卷二十五

欽定四庫全書

松桂堂全集卷二十六

丙寅

吏部侍郎彭孫適撰

和澹人新歲退食仍用前韻

金門吹管氣初還  
清切仙廬畫下闌  
寒玉生漪天上漏  
春雲洒案禁中山  
素絲不改委蛇度  
高詠聊乘洗沐閒  
正好從容翊天步  
肯將鞭弭策鴛頑

謝客經旬罷款門  
嘉辰賜沐是三元  
發揮雅操琴雙操



陶寫吟情酒一樽  
韋逞慢前頻授義  
虞潭堂上獨承恩  
間窓坐愛春暉好  
曉日蒼蒼入晏溫

人日

五尺茅檐半畝廬  
晴窓猶是氣淒然  
緼袍隔歲寒無力  
湯餅禁風熱有權  
儉腹搜奇間隸事  
枯毫忍凍細題牋  
綵旛花勝分明在  
無復心情似少年

和曉岳人日韻

笑把金花勝裏人  
依依點綴歲華新  
從今不厄黃楊閏

與爾相娛白髮春桑也。可招休患盜柳車。未遣莫憂貧。  
解貂拚作經旬醉。直過元宵放假辰。

立春日

獵獵風簾遞響頻。空階積雪漫成塵。顰先中氣長宜歲。  
吳中舊俗以顰長為有歲之兆。閨入新年晚得春。沉水質堅香篆永。衍

波紋膩墨痕。勻新詩自占娛幽。獨頗喜吟懷未後人。

元夕

早梅已探上番風。撩亂羈心竟夕中。萬事後人藍尾酒。

一官如客白頭翁月寒有暈光初滅夜靜無更漏易終  
間撥爐灰話愁寂冥冥香霧壓薰籠

花朝

東風無賴醺春寒憔悴清吟少昔懽綺思初銷才并盡  
佳辰未展興先闌殘雲糝徑門雙鍵暝色窺窓日半竿  
芳草差池花事晚暗驚年髻入衰殘

和巢薇移寓四首

薄遊仍歲月卜宅此移居但得心怡曠何辭手拮据王

陽才一索董李已三餘盡日娛文史悠然下直廬

旅舍年年換韶華歲歲同縑衾留薊北錦帶紀湘東遠  
迹同冰氏忘機類海翁臨臯懷舊隱心事託郵筒

春陰清窈窕芳樹兩三枝徙倚舒懷久行吟得句遲開  
軒迎燕社掃徑命花師最喜寬休沐幽窓事事宜

莫道衣囊薄休嗟即次難友聲鶯覲睨家慶竹平安天  
上恩光近春來雨露寬好攜雙管筆獻納五雲端

和巢薇初度日同人移樽見過草堂之作

八尺文縑九疊屏春來芳草滿階庭須知東省郎官宿  
即是西豪太史星杯引湘醺鄉味美坐深蘄竹簟紋青  
稽留不惜淳于醉夜漏何須問挈瓶

為毛大可賦悼姬人曼殊之句

優鉢從來不染塵無端號作斷腸春憑誰地下三彈指  
喚起迦文座畔人

天上人間盡可疑無情有想更誰知試將往事從頭記  
怪殺橫陳嚼蠟時

送翁心齋之開封郡丞任

招尋久欲愜幽期  
舊俗登高正此時  
惆悵遽成千里別  
樽前愁對菊花枝

西山木葉晚來稠  
九月新霜滿薊邱  
鴻雁來時君又去  
那教楚客不悲秋

題查夏重抱膝圖

落落千秋自有真  
悠悠出處那堪論  
不逢魚水君臣契  
多少隆中抱膝人

二德惟應老鑿坏眼前石孟總興臺憑將雛鳳輕相比  
只是治中別駕才

壽楊以齋少司馬

澄景開芳序昌期誕鉅公策勲萬里外曳履五雲中  
握西銓重階資北斗崇冰霜心皎潔川岳氣昭融九錫  
才鋒健千秋藻翰雄還將文武憲委佩翊天工

澹人學士於立秋後一日夢中得伏雨炎風正  
夏闌之句醒後足成之為絕句十首依韻奉和

伏雨炎風正夏闌銀塘秋漲水瀾漫夜來夢到桐江曲  
萬疊雲屏一釣竿

伏雨炎風正夏闌液池千頃漾清湍蘭橈不解青絲纜  
楸埒初迴白玉鞍

伏雨炎風正夏闌曉牕染翰襞湘紈詞臣夙有頭網賜  
吟案清翻小鳳團

伏雨炎風正夏闌風漪雲縈碧相攢瀛洲一片清虛境  
身在蓬山頂上看



伏雨炎風正夏闌新涼天氣未成寒雲翹舞後秋初到  
珍簾歌時暑未殘

伏雨炎風夏正闌新詩字字琢明玕不知誰是羊何侶  
郢曲從來屬和難

伏雨炎風正夏闌吟毫展處墨花乾玉堂從此添嘉話  
留與人間鄭重看

伏雨炎風正夏闌紅雲曉案立仙官碧山影裏排閭闔  
綠樹叢中度井幹

伏雨炎風正夏開  
衍波初賦曉來寒  
儒臣最是承

恩渥玉瀼先分露  
掌盤

伏雨炎風正夏開  
白雲新令紀秋官  
好攜三寸弘農管  
更賦儲胥與露寒

送喬石林歸寶應

玉樹蒹葭各一身  
因緣偏得託清塵  
蘭臺圖籍同蒐訂  
芸閣文章互討論  
晚出掖門恒上鎖  
曉趨朝列每連茵  
別離不分今時有  
無賴驪駒忽在門

草堂聞在甌湖潯疎快真堪寄遠心  
饒有林芳供結構雅多朋好足招尋  
紅衣簾幙清無暑碧玉樓臺愔有陰  
直為竹深荷淨處也應及早卸朝簪

石林新構草堂錫宅為題曰竹深荷

淨之堂

壽湯潛菴先生六十

台揆調元重宮端諭教先二官皆要職  
三善在名賢秋實資儒席春卿領胄筵  
新猷銘魏闕舊澤灑吳天園綺衣冠偉  
臯夔德業全還將稽古力舉世入陶甄

初度日

宿火寒篝曉更然偶乘休沐得高眠  
老來光景桐枝露少日心情蕙草烟  
葭管初迴長至節芸牕最喜晏溫天  
吟成自笑沾沾態一字差堪抵一年

時初七日冬至馬齒五十六年矣

冬夜夢石林口占却寄

故人踪跡滯齊東八口漂搖類轉蓬  
名士每因流寓重新詩翻為罷官工  
蕭蕭羈思停雲外栩栩吟魂落月中  
強囑雙魚緘尺素萬端心事一郵筒

歲暮寄懷石林

風射寒楞月墮枝斜街宅裏夜闌時情知此後相思切  
悔殺樽前易別離

綵勝青幡又一時春來惆悵失佳期停盃陡覺心如擣  
不是衰年好酒悲

小除夜色動寒杓人事淒清思寂寥却憶故人詩句好  
爐紅窓白了殘宵

千里平原迤邐中桃花新水柳花風蒲臺繫馬看春色


且自開襟作寄公

寄公見儀禮

除夕

朔吹凌兢晚更驕  
早春寒色倍今宵  
盆梅萼小烘初綻  
山麝烟濃篆未消  
白髮新痕愁種種  
翠屏舊隱思迢迢  
故鄉儔侶他鄉節  
竟夕蟬聯話寂寥

絳蠟花深不剪煤  
素虬水急夜頻催  
一年已過黃楊厄  
三舍難邀白日迴  
青管迎陽將暖至  
明瓊送喜得臬來  
樽前自媿衰遲甚  
酌取屠蘇最後杯



松桂堂全集卷二十六

欽定四庫全書

集部

松桂堂全集卷

二十七至  
三十四

詳校官庶吉士<sub>臣</sub>汪彥博

助教<sub>臣</sub>常循覆勘

總校官知縣<sub>臣</sub>楊懋珩

校對官助教<sub>臣</sub>李學錦

謄錄監生<sub>臣</sub>黃聖紳



欽定四庫全書

松桂堂全集卷二十七

丁卯

吏部侍郎彭孫通撰

元夕

三朝休沐上元辰  
瀟洒琴書共此身  
簾纈餘寒停素籟  
燭花孤影傲青春  
人譏周顗同衰鳳  
自笑檀珪作餓麟  
良夜厭厭憺無寐  
露華如水月如塵

正月十九日院中齋宿即事

玉堂宿戒集鳴珂夜色蒼蒼拂絳河翠藻月寒鈴索靜  
青蘋風軟篆烟和沉浮詎敢稱朝隱拙劣真當玷制科  
抽思欲成徵士頌故人零落已無多

送吳幼昭還石門

梧鳳能調六管鳴雲鵬終赴九霄程人皆寢默因金注  
天與摧藏是玉成焚草豈期收末議採蘭偏喜遂私情  
輕軒駢竹從容在早使孤臣戴

聖明

送徐電發還吳江

蘭有春芳菊有秋  
鱸鄉亭子枕滄洲  
人間底事營三窟  
海外徒然覓九州  
短轂行田驅鼯鼠  
敝廬厠水結蝸牛  
書籤錯落吟毫健  
永日高眠足唱酬

山村楓葉冷吳霜  
口占新詩一兩行  
繡纈千波縈練影  
朱絲雙轂韞瑤光  
江湖雁集真無事  
霄漢鴻冥詎有妨  
從此石渠應寂寞  
幾人經術似徐防

再送吳幼昭

語水綠波生穀皂林碧樹縈烟那不抽簪歸去江鄉春  
物增妍

題潛籟軒次韻

草堂塵外境斜厠碧谿隈居與三山近人惟二仲來行  
吟清籟發坐嘯綠樽開却笑牽絲客經年去不回

長山吳木欣輯其大父旋公先生手蹟為一冊  
將刻諸金石以垂不朽比來京師出示余余甚  
嘉其志賦此篇遺之

隋珠荆玉絕塵埃鵠峙鸞翔妙剪裁孔氏壁中藏弄得  
韋家蠡裏受持來若為珍重連城寶幸不銷沉浩劫灰  
知爾用心良獨厚一披縹帙一低徊

送李厚菴先生省覲還安溪

翰林廁禁近不與他曹俱士苟與茲選邈在天之衢託  
業必遠大近文砥廉隅風流逝不古稍與曩者殊臨軒  
數教勅德意多勤劬思得方正士而為之楷模先生起  
閩海卓立為醇儒學必根孔孟誦法惟唐虞鴻筆扛九

鼎高文追三謨簡直學士院往哉

帝曰俞拜官甫三月畧見權與興多士有矜式斯道相  
匡扶羣材受砥石頗覺改舊趨一朝請急去不慙留須  
臾自言臣有母年已七十餘相隔七千里被疾困未蘇  
嚙指心忽痛果得南來書本圖罄竭者以此方寸愚方  
寸今已亂安道療曠誅冀一放臣還昏晨奉起居天高  
聽則卑疾痛容可呼委曲見矜許不以令甲拘仍命虛  
左待母輕議替除稽首拜

恩命式遄不俟車草跋亦水涉山川何鬱紆入門拜阿母  
阿母心懽娛舊疾霍然已玉顏益敷愉百歲方未央愛  
日藹以舒須念

主恩厚還此承明廬亟去而亟來慎勿行趙趙來以答  
側席去以慰倚閭子臣一無負忠義兩不孤伊余綴後  
陳送別三歎吁豈無吾邱恨或有溫生裾此事可以風  
名教非區區作詩展古義不用歌驪駒

午日

卷二十七  
碧琅小琰泛紅鱗一寸菖蒲九節春莫道良辰須盡醉  
江潭曾有獨醒人

冬夜院中齋宿即事成詠

槐廳寂寂致齋辰并榻蕭然散帙頻鉛槧生涯清似水  
紙綢氣味煖如春殘星在戶初分夜寒月當窻欲就人  
一夢青雲三十載蓬山踪跡恍前塵

又即事呈王龍洲朱即山孟繹來沈維菴王鶴汀高素侯諸前輩



半生踪跡類孤蓬  
偶傍青雲竊自雄  
清峭棋聲風定後  
參差塵尾月明中  
間披古碣摩挲遍  
重話前朝感慨同  
他日玉堂徵故事  
姓名還得附諸公

疊前韻呈諸先生

步屨空階攬雪蓬  
高談不減滑稽雄  
蕭然興寄形骸外  
藉甚風流警欬中  
官可忘貧如栗里  
交能耐久似元同  
南郊大禮叨陪從  
傲殺周南太史公

袁杜少千里貽書以丹榴青柿見餉口占二絕

寄謝

千里書來遠見貽  
榴名安石柿烏棃  
知君初續閒居賦  
正是輕軒奉母時

素書一部轉愁予  
瑤草凋殘歲月徂  
恨不與君鈴索畔  
共餐冰雪飽清腴

松桂堂全集卷二十七

欽定四庫全書

松桂堂全集卷二十八

戊辰以後

吏部侍郎彭孫適撰

戊辰元夕次汪東川韻

芸廬瀑直散縞繩  
黯淡春衣縷八升  
晶晶金波飄素練  
沉沉珠漏咽寒冰  
清齋不飽長鎗米  
白首相依短檠燈  
與爾分曹嗟未得  
同題詩句碧山層

送周雅楫視學浙江便道歸毘陵省覲之作

曾登吳觀發吳吟恰擁仙輶越水潯瓊苑名高丹詔麗  
玉堂人坐絳帷深當官久切春暉戀過里曾無書錦心  
漫說南陔蘭可採新栽桃李已成陰

大行太皇太后輓詞六首和健菴總憲韻

仙禁宵嚴後東朝曉仗齊桂軒虛紫蜀椒殿閔丹泥舊  
宅橋山外新攢潞水西敷天均一慟隱隱綠槐隄

容車初展駕祖餞出雕檣林葉晞春露城烏咽曉霜蘭  
苗紛委地柳絮儼成行萬口齊哀挽人誰八米卽

徽稱隆禮備王食大庖豐鉶器皆民力繒衣惜婦功惠  
風流禁掖慈澍溢圻同令問終無歇彤毫在六宮

大孝終身慕因心豈為名鏡奩猶髣髴茗柵自生平總  
未成三儗何嘗御六清攀車親步送斷鞠見

宸情

羽衛停綃幕廬宮却組帷冰霜悽結響雲物迴含悲長  
樂添新注南陵赴夙期

皇心愴風樹淚灑萬年枝

升裡鴻號永卜兆鮒隅同即事心何愒終天恨不窮倚

廬瞻

聖德載筆罄愚衷介福承王母登歌薦寢宮

題周廣菴漁隱圖

江鄉風物自清娛莫向長安憶舊吳若使李鷹當盛世  
秋來未必念尊鱸

初夏同真定梁相國遊豐臺觀芍藥率爾有作

四月郊原卉物新麥黃雨細浥芳塵調元正際

昇平日選勝方當澣沐辰花蕾半開偏嫵媚鶯簧初熟  
倍輕勻省中別有翻階藥披拂東風萬斛春

翠樾清泉一徑分到來已自隔塵氛謝公山墅饒春色  
荀令香爐貯夕熏風際槐陰深峭蒨雨餘花氣濕氤氲  
興酣未覺歸途晚沙路依微見落曛

夏日宛平王相國園亭讌集即事成詠

山墅從遊愜勝情高槐疎柳翠縈盈偶依深樾能忘暑  
忽有鮮飈為析酲淥水聲中清籟合明鐙影裏素蟾生

何妨陶寫憑絲竹黃閣謀謨正太平

蘭有鮮香玉有溫新涼一點湛芳樽  
初拈白紵排么鳳更撥朱絃試舞鷗  
閣雨天猶能解意過雲人那不銷魂  
祇憐醉後多疎放待拂車茵認酒痕

真定相國以詩見寄依韻奉答

偶移步屨點蒼苔早有提壺柳外催  
心跡久同神虎幘身名且付季鷹杯  
青蘋風細泠泠至紅藥香濃嫋嫋來  
莫道韶光不相待名花好是殿春開



藉草何須命藻筵  
右安門外是花田  
柳陰十里堆香絮  
杏火千家潑翠烟  
物態最憐新雨後  
人情偏愛晚晴天  
重遊準擬明年在  
更與春風訂後緣

晚秋雜感

三徑荒蕪碧樹殘  
故山迢遞莫凭闌  
秋心併入吳吟苦  
霜色平侵楚製寒  
砌菊叢叢攢露蕊  
庭槐隱隱落風湍  
直廬晚出惟高枕  
衰白還應媿素餐

落葉空階撼撼聲  
秋來惆悵不勝情  
官如遼豕頭皆白

身似河魴尾欲頽殘帙未妨耽寂寞索居偏喜罷將迎  
夕陽有意娛幽獨故就西窓弄晚晴

題沈客子春山絲竹圖

春女如花春物妍東山風調故依然一絲一竹渾閒事  
曾誤蒼生四十年

移寓米市喜與阮亭比鄰即用阮亭來韻

薄遊十載同羈旅懶慢心情似暮雲已遣移牀遠賓客  
故教徙宅傍夫君停車每每披蘿藦步履時時破鮮文

趣取涼秋理殘檠夜窻燈火得相分

三月十九日高梁橋眺望

淺碧輕紅劇可憐風光昵昵浴蘭天一春最是銷魂日  
寒食方過穀雨前

三月晦日

小窻斜日捲簾時百感蒼茫髻欲絲惆悵一年春又盡  
花風剛到海棠枝

題祝矜刪南村獨酌圖

吳客春來有夢思  
鮮香膩粉一枝枝  
不知東郭行吟日  
可似南村獨酌時

題王清遠桐陰試茶圖

幽人偶此坐林樾  
滄滄竹樹清且寒  
一匙綠雪灑蘭吹  
邈然高詠青琅玕

松桂堂全集卷二十八

欽定四庫全書

松桂堂全集卷二十九

壬申以後

吏部侍郎彭孫通撰

古藤

我來古藤下欲賦藤花詩藤花自妍人老醜詩之醜也  
又過之含毫欲下不敢下邈然終日拈其髭南曹故事  
既散軼衆口傳說紛參差不知此物自何代但見老幹  
盤蚪螭當春花葉訝何麗恨無祕思爭新奇忽披榛翳

得碑記蘇文明滅微可窺云在弘治歲癸丑長洲吳公  
官於斯右廂數楹公所憩紫藤二株手自蒔因之俯仰  
感今昔一官先後同班資風流不墜起遐慕以理揆測  
還然疑此藤雖然黝而古連蜷偃蹇殊凡姿問年或可  
舉盈數安得許又如碑辭碑之歲月况遼遠百有四十  
今其期要知舊本在碑後宛其死矣為枯枝後來好事  
訪遺蹟遠晞前哲踵所為惜哉恍惚難具論至今莫識  
種者誰世人往往貴耳食觀物不復窮斫推雷同附會

類若此使我反覆生嗟咨又思當日種此者東銓華重  
非賤私一朝姓氏遂湮沒遑問治迹官崇卑人生患與  
草木腐草木未腐名先泯可憐身世太局趣真若野馬  
空中馳所以古人志不朽區區名爵劍一吹我今幸際  
聖明世妄期豎立來牽絲浮沉或廁大賢後寄以臭味  
無差池祇嗟齒髮日續暮不才竊祿仍虛糜署紙不省  
實憤憤詩成獨後才衰遲萬端銷廢逝將老藤乎得地  
方乘時願言封殖俾勿壞我詩藉爾傳來茲

高梁橋曉望

小雨朝來歇晨光曖曖微林坳紛霽色水木遞清暉深  
樾逗人影翠連浮客衣因茲滌煩暑彌欲息塵機  
沙路依山盡浮流逐徑斜翠微縈百雉綠樹隱千家早  
稻初含穗秋蔬遍着花樂郊來往數風物最清嘉

暑雨

小院惜惜清晝長槐陰未暝曖餘光疎簾密雨饒秋意  
祇欠鮮飈一點涼



送宗右宜之平陽

早駕輶車入澤宮  
賦聲殷殷欲摩空  
舊操白雪無人和  
此日青雲有路通  
整逐征鴻辭薊北  
偶思芳醞過河東  
瑤華倘許頻相摘  
為斲秋林玉一筒

壽合肥相公太夫人

母德應將鏤管書  
公才公望更誰如  
爭看設悅當朱戶  
正值宣麻下玉除  
經幔早知傳業盛  
養堂今見拜恩初  
綠槐十二沙隄穩  
委佩歸來奉起居

春酒當筵象服明

國恩家慶一時并  
萊衣入補樊侯袞  
梅鼎歸調潁谷羹  
上殿給扶多異數  
傾朝致拜極殊榮  
試歌燕喜流絃管  
壽母千秋有頌聲

題半舫

大理寺少卿錢蔭  
湄齋名奉和原韻

小窓低戶不安橫  
半舫中堪眺大瀛  
心似虛舟初不繫  
人如秋水恰同清  
夷猶自愜滄洲趣  
蕭遠真為建德行  
便欲相從拋組去  
五湖烟月一帆輕

雪次楊次也韻

誰摘仙葩散九閨輕于冰凌重于塵盛姬臺館層層玉  
郢客歌詞灑灑春境現空花飛有相室生虛白似無人  
莫將機思爭天巧刻葉三年總未真

殘雪用楊次也韻

殘雲掩亂似催詩霜縝冰凌態愈奇忍凍苦無并統藥  
怯寒甘作處囊錐占年幸不封條在避俗偏於墜戶宜  
為報敬容賓客道衝泥那復輕青絲

賦得明月照積雪

清暉浥浥泛明玕，倍覺中天夜色寒。  
玉杵研霜凝未散，金波濯練搵初乾。  
神遊大素何冲漠，氣冽空蒼自鬱盤。  
徒把妍辭懷二謝，此時惆悵不同看。

壬申除夕

纚纚春燈影燭妍，親朋喜共話鐙前。  
食鮭風味偏真率，羅雀門庭頗靜便。  
幸荷

恩私寬一晷，終慚衰劣玷三銓。  
宦情縱使濃如酒，合把

屠蘇讓少年

除夜以一罌酒餉次也辱貽新句輒依韻答

偶攜竹葉燒春甕為致椒花守歲筵  
酒客形骸雖放浪麴生風度却清妍  
已看態美積山玉更羨詩成下水船  
欲和不能甘退舍始知造物賦才偏

次邱李貞洗馬癸酉元旦韻

班春早已肅蒼祇喜見柔飈曉入帷  
豔豔歲華垂老日穰穰風物太平時  
榮枯有分休占易歌詠無方強賦詩

羨殺桂坊題句好  
落花依草是邱遲

次鄭葭湄夜窓旅興

空庭寥闌夜無譁  
冰雪淒寒落月斜  
底是羈禽偏繞樹  
巨教遊子不思家  
朱絃寂寞琴雙鎖  
素鯉浮沉海一涯  
客有吳吟正愁絕  
白雲千里寄情賒

十三夜集徐華隱學士寓齋觀試燈次袁杜少

韻

北扉學士退朝初  
掃地焚香此結廬  
心遠山林在城市

官清僮僕解詩書客來為試春鐙早坐久還驚夜漏疎  
忽聽樽前發妍唱感時攬物一躊躇

送周瑞厯之任大田

今

皇念人瘼吏治最所先百里寄民社一一皆精甄周侯  
本兵士秀出凌雲烟俛就選人格剖符之大田大田叢  
爾邑嶺外仍孤懸壤地雖褊小風土殊靜便耕桑有本  
業此俗無輕儇延顙望新政行矣當勉旃慎無鄙夷此

而不加勤拳視民當如子敬上親仁賢君心操冰雪君  
才利龍淵利器不自銜清節久益堅強力赴公事德心  
周井廛計歲必有餘嘉名自流傳不見鳴臯鶴聲聞徹  
九天鸞棲肯終屈萬仞看騰騫

高渭師夫人林宜人挽詩

柳絮詩篇好荆苕禮教新采芳南澗日偕老北扉人烏  
鳥心偏切鳴鳩德自均千秋馨烈在珍重寫湘筠

鶴益同車日芸廬徹夜時清心同黽勉白首怯差池春



月姍姍影寒花寂寂枝空彈元相淚重賦蕙叢詩

送鍾華峰還韓城

二月長安送客行河橋殘雪尚縈盈柳寒已作銷魂色  
鶯小難求出谷聲汲孺從來名拙宦衰修終不媿清卿  
追懼知有前期在無奈春風愴別情

華堂久矣閉松筠此日西歸已十春家有薄田仍苦旱  
囊無長物易憂貧琴書自愜林間趣風月能娛物外身  
君自蕭然淡名利中朝那不借才頻

題畫冊

愛此塵外蹤心蹟共蕭迴  
驢背聳吟肩踏遍寒山影

送李漁村還諸城次留別韻

白雁風前遡夕陽  
蘭疎菊秀為誰芳  
雖然久宦無羈思  
那不清秋憶故鄉  
坐對寒山開岫幌  
卧聽幽瀑下漁梁  
知君新綴名山志  
五嶽心期似向長

料絲燈依史胄司學士韻

一檠春燈五色絲  
十分工巧百般奇  
移將潋艷金缸影

寫出青蔥玉樹枝弄影稍嫌雲母薄流光偏與儻人宜  
塵寰未必能勝此合向蓬山頂上窺

七襄巧思乞河東鏤水雕塵迴若空瑤彩澄鮮非泛月  
翠漪搖颺不因風春陰自結千重綺夜氣俄成百尺虹  
噴薄清暉紛可掬飲冰人在玉壺中

上元燈火咽芳塵錯落明玕照錦茵魚鱗吹寒紅閃閃  
驪珠有暈碧鱗鱗難酬令節惟婪尾欲買春宵是等身  
蘭燼銷殘清漏永夢遊何處隔雲津

文珠玳瑁擅時稱風物今來幾度興龍女機絲無襞積  
鮫人宮闕有觚稜玉山積影方千日銀海生花已萬層  
何似秋堂局深寂一簾風露讀書燈

豆腐

藿食終年意自快朝來淨饌況清嚴絺巾未藉先磨玉  
雪乳初融更點鹽味異雞豚偏不俗氣含蔬筍亦何嫌  
素餐似我真堪笑此物惟應久屬厭

采菽中原未厭貧好將要術補齊民雅宜蔬水稱同調

巨與羔豚廁下陳軟滑爾偏諧世味清虛我欲謝時珍  
不愁飽食令人重何肉終慚累此身

題朱北山水墨花鳥冊

水墨淺深分向背天然生趣在毫端可憐絕藝無人識  
祇作當年院體看

題殷彥來歲寒吟

客裏偏驚歲月頻羈心疇不感淒辰新詩字字凌冰雪  
輸與東吳秀出人

含毫一往寄情深不是尋常擁鼻吟到處流傳詩句好  
何人解識歲寒心

寄冰衲上人

少日曾尋物外緣落花風裏颺茶烟竹窓水檻應無恙  
不到東林二十年

聞雁

千里鄉關首重回南窓愁聽雁聲哀秋來心事無慘甚  
一任黃花早晚開

題梅桐崖小像

十年朝隱意蕭閒長在清泉白石間他日抽簪乞歸去  
還應乞取敬亭山

合沓雲山上插天玄暉詩句至今傳卧遊已足令人羨  
身陟丹梯益邈然

題盧時偕小照

晝畫溪深六月涼松蘿隱映讀書堂綠陰如冪天如水  
紅藕花前白晝長

此中風物與人殊世味蕭然道味腴他日人間作佳話  
雲鴻留得草堂圖

松桂堂全集卷二十九



欽定四庫全書

松桂堂全集卷三十

丁丑

吏部侍郎彭孫通撰

九月四日出宿張家灣舟次憮然言懷寄都門諸朋好

九月始蕭辰野色入綿邈遂與親故辭臨岐手重握歸舟猶滯凝征塵苦氛濁秋原氣悽愴寒流水瀟瀟西風潞河上獨戍鳴哀角中宵感往事歲月驚頻數俛仰二

十年朝菌一晦朔栩栩不自知一夢遽然覺田廬已蕪  
沒骨肉盡摧剥老至既衰罷器小難龔琢三銓况繁重  
而代大匠斲毫髮亦何裨充位徒齷齪冥行今未止車  
耳生重較言謝京輦遊請從稼圃學誓墓悔已遲所期  
在貞確

野泊

秋氣一何深原野日蕭索河水既縈紆衝飈復回薄輕  
舸遡急流十里九停泊坐使羈旅人慘慘心不樂何以

寫我憂吳吟間相作舟子何招招帆影疾揮霍因聲寄  
同羣慎此風波惡

晚眺

空艫延晚色朔氣入秋天河轉輕帆卸林疎落照懸雄  
屯千壤錯遠漕萬艘連北顧多形勝

神畿可卜年

夜泊大梢子口月始望皎如白晝與士偉臣颺  
百齡兒曉孫坐翫久之喟然興感

曉行小直沽暮宿大梢口秋深日易夕暝色在榆柳遲  
之月始上清光射窓牖微雲吹沍寥澄碧無纖垢惟見  
數寒星羅羅挂魚留對此不成寐攬衣呼朋偶坐聽柝  
聲殘荒村絕雞狗孤旅多艱辛安從謀斗酒夜氣愴我  
神風霜龜我手歲宴懷百憂誰能不皓首

己酉夜宿靜海用臣颺韻

岐路蒼茫客思盈西風愁聽逆河聲舟依古戍忽忽住  
月上荒城慘慘明寒雁離羣棲更起夜魚回洑擲還驚

傷心最是今年甚深負妻孥媿此生

臨清牘贈趙僉事

山東七十泉挽之入西北合流達衛河九曲時一直上  
下千餘里轉輸百萬石此牘如咽喉能使倉廩實宣洩  
苟失宜毋乃病國脈國家設監司河渠有專責賢哉趙  
僉事獨能舉其職夙興亢官政日晏不遑息興築必及  
時疏濬在農隙坳堂水不膠十檣爭頃刻王程不愆素  
太倉富玉食商旅無費留遠人樂行役監司若碁峙為

員殆盈百安得盡如斯精勤能自力作詩貽史氏他年  
志溝洫

岸青以南池納涼圖索題為賦二截

南池雨過晚涼新柳榭荷亭憺絕塵風月無常誰主是  
天教傲吏作閒人

續然岸幘納涼時人事蕭閒少諍辭他日流傳千載下  
重添佳話在南池

泊頭

橫參挂天寒月起人語喧  
厖闕羣螳鳴鉦謝矢千炬然  
聲沸泊頭河下水鎡基不事事  
刀劒孰者弄兵非赤子  
此地居然畿輔間北去京師猶尺咫  
乾坤清泰日月近  
沐浴教化興廉耻蠲租未已又發廩  
仁聲在在盈人耳  
何為輕身扞法網誰使汝曹坐至此  
可憐水滂太頻仍  
三載阻饑痛入髓畢生空自力田疇  
終歲那能厭糠粃  
常平倉粟十萬餘鼠雀無端飽欲死

和臣颺南陽湖道中

漠漠平田艷艷湖霜天了與暮秋殊微茫野色生寒燒  
明滅波光起宿鳥秦碣于今無片石泗亭千載想雄圖  
斜陽古渡重憑弔寥落西風對酒徒

冬夜舟中寫懷寄王阮亭司農

旅泊有孤心嚴節多慘顏重以昆弟好因之別離間結  
交四十載道義踰丘山同為京洛遊一日數往還連牆  
僦舍館均茵綴清班如何遽分手顧我殊衰殘此生幾  
相見為期當已慳懷中有書札所苦道路艱願君益安



健玉體輕珊珊願君恢令德席譽流人寰  
謁謁君俊流  
霄漢相躋攀縞紵豈不貴無棄蒹與管

昨夕竟夜不寐五更未始畧合眼忽夢南還已  
到家纔入門即見朱夫人已坐重慶樓下西房  
中見余至起而相迎笑謂余曰君來何暮我灑  
掃庭宇待君久矣余因同坐相與絮語語多不  
可記但覺朱夫人笑言如平日而已覺後枕上  
忽忽不樂口占一絕

舟中日日數歸程晨夕相偎恍若生何事到家偏先我  
芳魂應是御風行

崔鎮

新河三百有餘里千帆飛渡如輕鳧連年被水水汜濫  
深不可涉淺或淤荷畚舉鍤有徵集歲晚猶未休役車  
瀕河之地廣且袤曩者厯厯多村墟荒烟衰草一何有  
平疇萬頃皆棲苴數間茅屋斜厠水絕少行踪惟鼃鼃  
戍旗一片自搖颺夕陽黯淡風蕭疎寒空入暝四野迥

霜氣慙慙生肌膚俄然草際有偶語已斷還續聲模糊  
何人篝火明忽滅感粟高下吹烏烏夜深相載入林去  
明朝依舊充河夫

和臣颺漂母祠二絕句

千載猶聞漂母風戛羹偏在一門中家庭不識真天子  
邂逅能知命世雄

辟統終朝本食貧獨憐國士不謀身少年已自官中尉  
却把千金報故人

一飯酌千金本不為薄但以跨下少年拜官都尉事兩相推較則未足云

欽定四庫全書

卷三十

重報詩意全欲  
揚母非以抑韓

依前韻題韓侯釣臺

荒臺佇立想遺風百感茫茫夕照中  
彭仲自漁侯自釣

可憐魚服困英雄

彭越字仲少漁於大澤出漢書

王孫當日苦長貧落拓生涯骭髀身  
莫謂釣徒還賤士  
早應羞伍鼓刀人

清河口

清河一口受黃河濁浪滔滔來灌注  
勸君從此入中河

莫向黃河乘險去龍門水勢高建瓴南來直到歸墟處  
嗟哉河伯何不仁驅遣風濤騁狂怒千金隄決萬斛傾  
五石誰能容大瓠過客逡巡孰敢前地不輟險人所惡  
河臣當此誠大難國計寧堪容一誤十年前此鑿中河  
糜耗金錢不知數河成一葦亦可杭巨艦輕輶走如鶩  
行人安穩布帆健棹歌不唱公無渡朝集充庭貢篚陳  
轉輸百萬東南賦此時功有過不無嚙沓紛紜多口語  
中河之役百世利藉藉流聲在行路功不可沒過可原

巖廊論議須平恕

桑園和臣颺

散愁聊野眺信步不成遊漠漠千帆影荒荒九月秋  
宦情吹劒首客况浙矛頭落日長安遠前途是德州

魚頭集

朔陰薄暮霜風吼客子單舸繫枯柳寒村應應數人家  
何處青帘能貫酒漁船千箇沂復沿載有魚蝦如積阜  
大魚撥刺甫上叉小魚噉喙已盈筭細微水族不計錢

狼藉寧論斤與斗以魚為食古所志吳客見之先哆口  
娶妻那敢必齊姜河鯉河魴靡不有祇今令甲重農桑  
處處耰耨相比耦此非王土獨不然但多湖汊無田畝  
共喜腴饒賤土直却令粒米勝瓊玖天時或僭地利湮  
誰與長吏還知否請看河畔捕魚人盡是耕夫與耦婦

雨中過揚州

不踏平山路乘潮夜入吳故人無一在那忍問黃壚

即事

遣童奴往惠山買新酒酌奠朱淑人淑人生  
平不能多飲而酷愛錫酒以其甘美也今過  
此適山家春酒初熟追念死者不勝酸痛

撫棺一酌不勝悲酒冽泉甘此一卮君定有知能憶否  
少年情事拔釵時

望亭

此去鄉園近重來二十年憑欄休送目腸斷望亭前

己卯九日登秦駐山



強把茱囊理宿疴  
筍輿重此問巖阿  
舊題漫沒荒祠在  
陳迹銷沉腐草多  
山逕霜清聞落葉  
海天秋迥見纖蘿  
一生幾量中郎屐  
更不登臨柰老何

欽定四庫全書

松桂堂全集  
卷三十

九

松桂堂全集卷三十

欽定四庫全書

松桂堂全集卷三十一

吏部侍郎彭孫通撰

金粟閨詞一百首

一洗人間粉黛空  
蛾眉淡掃競言工  
鉛華芳澤都無色  
宋玉陳思兩賦中

針線文書次第收  
夜香還透合歡綃  
檀郎何事相呼切  
忘却燈前去却頭

清明寒食踏青游生小嬌憐未解愁買得揚州花線髻  
時新樣子鬪梳頭

睡眠朝來倦未揚傳呼洗面進蘭湯瑩瑩清徹仍無垢  
水內新添玉粉香

綺疏花影日高懸倦起猶然擁被眠怪殺夜來輕薄甚  
春趺寬盡繡行纏

經年蕩子不歸家粉悴香銷泣歲華一自長干消息斷  
秋窻夜夜罵燈花

妍雅何須刺繡文  
砑光綾子白如雲  
畫將七十二般色  
閨閣新興十幅裙

粉墨鮮明細自敷  
裙拖湘水入時無  
不描花鳥描人物  
幅幅皆成士女圖

曲檻低垂湘竹簾  
分明窺見月纖纖  
叢頭鞋子紅三寸  
金線編成小鳳尖

入道粧梳自不凡  
春衣裁出手摻摻  
却嫌紫翠多塵俗  
內裏齊穿水墨衫

納涼晚坐小庭隅  
寒玉清冰暑漸蘇  
換得羅衣青翠色  
怕他霧縠見肌膚

翠羽明璫百寶函  
年來魚鑰幾曾探  
欲將雅淡存真色  
不插金簪插玉簪

少年情景費尋思  
容易消魂只此時  
月下定情花下語  
羅衣欲解故矜持

叢桂中秋始作花  
一窗香霧浸冰紗  
不嫌風露中庭冷  
坐向三更看月華

七夕筵開看渡河紛紛瓜菓襍相和并刀剪粉都成字  
鬪取誰家筆畫多

如珠秋露下庭柯顧兔光生瀲灩波手劃闌干心自語  
夜深私禱向嫦娥

何事男兒少慧根閨人偏解事空門却將指爪輕輕合  
無價香中禮世尊

琳宮曾許六銖香繡得名幡七尺長趣取今朝風日好  
上幡歸去踏春陽

梅花不數壽陽嬌  
嬾隨輕紅一任消  
昨夜西風寒起粟  
額粧明日戴新貂

名香炷罷小爐平  
縹帙開時心自評  
深夜讀書寒未寢  
明朝應試女諸生

娥娥紅粉阿誰家  
插柳歸時日已斜  
雙槩乘風爭欲渡  
船頭齊插碧桃花

西樓九日賞登臨  
斜照西風下遠林  
却訝今年時序晚  
黃花猶自不勝簪



金吾不禁上元游火樹星橋入眼稠試問輜輶何處去  
望吳門外看燈毬

棟花風過已春殘四月清和即次看小院初陳櫻笋會  
內家爭愛越梅酸

安石榴開照眼明方中日色上軒楹菖蒲一滴沾唇酒  
已覺紅潮隱隱生

載陽送暖惠風清女伴相邀出郭行明日粧梳誰更早  
掠成鴉髻待天明

剪刀聲隔小窗紗  
朱火熒熒一點斜  
買到街頭通脫草  
新年準備上頭花

早覺微涼下井梧  
淡雲新月半模糊  
金針絲線頻頻引  
何似桑中九曲珠

裊裊風吹翠帶頻  
留仙裙下繡囊新  
囊中別貯玫瑰味  
裙外幽香遠襲人

香肌如雪自無塵  
寶裌深藏一段春  
收束紅羅如禁裏  
人前仍似女兒身

鰲山十座奏清謳妙選姬人北曲頭二十年來紅粉盡  
觀春猶凭最高樓

嬌小盈盈步最工行來羅帶颺春風膝衣繡作芙蓉瓣  
兩朵蓮花覆玉弓

壚中栢子漾餘烟獻罷椒花只待眠燈下穿珠安鳳味  
大年朝去拜新年

天然一色繡羅裳姊妹齊肩並蒂芳共脫紅鞋更換著  
相鈞省取是誰長

線結荷花片片分玉肩雙扣襯烏雲願為衣領承蘭澤  
膏沐餘香仔細聞

形影從來共一身怪他相詛太頻頻玉容未便施丹的  
今夜羅幃欲避人

春服依然舊內粧對襟衫子薄羅裳愛他窄袖偏時樣  
趙女何須舞袖長

年年除夕上椒觴獸炭圍爐煖畫堂將進屠蘇分歲酒  
先雕朱萸獻姑嫜

紅窓日日喚金衣百轉催人曉夢稀故把銅丸枝上打  
妬他花裏慣雙飛

海棠經雨一枝鮮薄髻輕籠態逾妍有色無香元自好  
教人妬處得人憐

名花氣息最清寒馥馥侵人繞畫欄香自個儂身上出  
髻中今日帶珠蘭

海濤八月播狂飈畫艇油車出看時雪柱銀山三十丈  
臨塘羨殺弄潮兒

紅襟小語畫梁聞  
麗日初生百草薰  
撲蝶西園花樹下  
粉痕粘手印螺紋

小庭雨過碧萋萋  
採蘋羣芳各自攜  
鬪草歸來香徑裏  
裙花深處浣芹泥

慈雲名號暗宣稱  
阿姊私窺笑不勝  
莫向幢前頻致禱  
明年此日是蘭徵

獸鑰時時扃玉闌  
怪來春思太踈頑  
蘭橈桂楫紛容與  
挈伴同遊兩浦山

雅戲花間日幾回  
辛夷開後牡丹開  
南朝葉子姑蘇譜  
各脫金鑲賭勝來

粧裏繁華各鬪新  
垂垂偏髻最宜人  
花簪不論年時價  
十粒明珠十萬緡

促坐方當夜未央  
蘭燈高照九微光  
賭將骰子玲瓏色  
擲得梟時作玉郎

作音  
佐

夜色淒清入望空  
尋芳踏月小橋東  
天街墜却金釵股  
可惜釵頭靺鞨紅

秦珠百琲解頭簪茉莉花藏髻子心琥珀枕寒侵粉印  
芙蓉帳煖卸香衾

猩血文茵色未磨牙牌如玉手摩娑不知喜卜因何事  
偏覺今朝色樣多

薛女拈針倚玉鋪嬌慵漸欲倩人扶生綃何處尋周肪  
寫出閨中倦繡圖

三冬日色上簾鉤晝漏移時下午籌行向碧紗窗下過  
窗中聽得喚梳頭



昨夜羅幃更不眠  
無端懊惱鏡臺前  
禁持小玉緣何事  
值得卽君宛轉憐

染得薰爐百和香  
雙纏一束可憐粧  
吳興綉色如脂白  
新月何須羨杏娘

深閨盡道不宜春  
瘦減腰肢一捻身  
留得佳辰天赦日  
玉環飛燕細評論

美人不在各天涯  
畫閣朱樓謝女家  
笑向卿卿私致語  
紅蕉摘得是伊花

春朝乍起合歡床  
朱鳥窻前竟曉粧  
誰把小名偷喚取  
不將青眼覷檀郎

午窓眠醒鷓鴣雲斜活  
水徐烹金縷芽  
蠟眼松風聲欲盡  
綠瓷杯裏鬪新茶

月波初上曲欄頭  
促坐春宵送酒籌  
記得桂堂東畔事  
蠟燈影裏見藏鉤

輕陰欲上綺欄遲  
早起猶然倦不支  
清盥未施粧未整  
下階獨立灌花時

搖落名花祇自看  
春陰晚晚若為歡  
斜陽獨倚蕭蕭竹  
轉覺佳人翠袖寒

九月清霜欲授衣  
北風江外雁初飛  
花箋細疊相思字  
寄語蕭郎及早歸

曲廊盡日掩雙闌  
小婦鳴機不肯閒  
看弄玉梭當戶織  
天孫何意謫人間

冰花六出合樓臺  
猶見同雲黯未開  
此日閨中多勝事  
陶家風味謝家才

十三嬌女好風神  
慙慙時時作劇新  
細搗階前金鳳草  
鮮紅染出玉鱗鱗

何來庭館遍芳馨  
不見爐烟裊裊青  
薇露一匙清似水  
宮香細煮小銀瓶

伏枕經春病不支  
藥爐丹竈鎮相隨  
玄霜玉杵無人管  
青鳥花間好護持

雨過疎簾草色微  
游絲細細罥晴暉  
朱欄倚遍渾無事  
閒把心經教雪衣

乍起還眠小簾中懨懨不損玉肌豐朝來只覺吞酸喜  
空剪玄都五色蔥

宣和舊麝墨痕香洪度新箋錦水涼素手輕拈湘玉管  
臨窻搨得十三行

李因妙筆絕無塵鴛水吳娘亦入神閨閣只今多粉本  
內家不學管夫人

十斛溫泉洗凝脂雙鬟小婢護門時懷中空有黃金餅  
玉體何由得暫窺

新結閨中姊妹行金環寶飾各相將春晴更約重相見  
練行菴中拜十王

移燈初卸藕絲裳重換湘鈎趣上床好把秦篝收拾起  
水沉不抵睡鞋香

桂棟蘭楣玳瑁梁雙雙花底宿鴛鴦自矜夫壻風流甚  
頻注嬌波溜粉郎

博山初盡迭迷香一點銀荷四照光鳳髻卸除蟬髻急  
夜來別作帳中粧

潘岳秋來髻欲凋，舊游彷彿廣陵橋。  
梅花一奏淒涼調，腸斷誰家紫玉簫。

東君有意作佳辰，細蕊繁枝二月春。  
最喜花朝天氣好，少微簪下酌花神。

作音佐

麝匣犀鈿次第施，小樓纔啓繡奩時。  
遠山已是青於黛，不待張郎更畫眉。

漢苑春風畫不成，欲將妙筆倩仇英。  
誰知百幅鸞溪絹，刻骨銷魂無限情。

桃葉桃花各自鮮  
胡天胡帝有餘妍  
小姑換寶香輿內  
阿母添粧繡閣前

女郎十五妙彈詞  
近覺琵琶未入時  
絃索一聲良夜靜  
行雲猶自為人遲

風流婉約本傾城  
却為情多太瘦生  
羅袖分明檀點在  
向人猶道不關情

長日無人靜不譁  
深深院落是兒家  
麝煤小炷添金鴨  
蠅拂紅絲戲雪鴉



玉骨猶然困鬱蒸  
小紅喚處巧相應  
坐深楚竹清凉簟  
銷夏先敲玉井冰

玉女投壺注矢平  
齊姬六箸巧相爭  
壁臺何必耽詩句  
佻達風流別樣情

洗手羹湯自作餐  
鹽梅芍藥一般般  
鹽當無處難為悅  
梅若多時易得酸

得度玄都女子徵  
道名授記好相稱  
桃花百斛如珠米  
金粟山中供聖僧

蕭郎底事惱人頻清淚瑩瑩素領巾萬轉千迴全不語  
前身莫是息夫人

組繡還須出後宮人間羅綺早成叢新來服飾多妖麗  
八尺棍襠茜子紅

無風亦自覺芬芳非霧非烟費忖量却憶蓮經名義好  
鼻端間得女人香

儂家咫尺伯牙臺雲水新翻雅操來玉軫金徽爭拂拭  
一時先學泣顏回

今歲花如去歲穠  
粉香脂艷好姿容  
不知何事牽人意  
只覺春衫領扣鬆

風流無處不相宜  
却羨雙雙坐隱時  
玉井金屏都看遍  
木蘭花下試滇碁

小出風前碧繖鞋  
姍姍微步下芳階  
人來花下驚相避  
不覺迴身墜鳳釵

素袂飄颻態不勝  
摩雲碍日勢崢嶸  
纖腰漸覺慵難舉  
怯上浮圖最上層

裁得輕綃恰稱身薰風吹過曲池濱齊紈小扇明如玉  
上有陳王賦裏人

薄寒初薦錦氍毹朔氣空中逼坐隅不惜裹蹄金一餅  
鴛鴦湖畔鑄張爐

無題同貽上作

犀押重簾玉作扉芳蹤髣髴夢來稀金爐夜燼猶偎枕  
繡被朝寒未解衣幄裏餘香空旖旎幢前私願好皈依  
蟾宮月姊應相笑留取幽輝伴綺幃

銀箭遲遲正未央  
紫鴛兩兩已成行  
懷人獨坐嫌宵永  
待夢頻來欲夜長  
斜月窺窓屏半掩  
行雲何處幙虛涼  
征鴻迢遞文鱗絕  
減盡深閨窈窕粧

春深朱戶映芳滋  
彷彿江臯解珮時  
蜂稚故殘含蕊色  
鶯嬌偏宿斷腸枝  
夜吟初試青花管  
午睡閒拋煖玉碁  
願得相看成白首  
風情長遣兩心知

回首墉宮路幾千  
黃壚終不罷相憐  
玉臺磧面濡薇露  
羅帳更衣徙桂烟  
未續蘭心償夢裏  
欲抽蕉緒避人前

金史卷之八  
卷三十一  
紅箋手署卿卿字記得芳名是麗娟

玉壺滴罷夜眠遲華簾初水擁被時霜色漸侵金鑿落  
月陰乍轉碧果思重簾不啓鈎雙約小篆將殘慢四垂  
何事秋來長作客紅蘭白露減芳蕤

憶得星輶下碧城鳳簫淒楚獸烟清心香小誓甘同死  
眉嫵良緣結再生花頰露濃真解語柳腰風細不勝情  
曲江莫是銷魂處腸斷銀河玉女笙

玉女湘妃愛獨居芳時冉冉孰華予中宵鏤臂酬私誓

小字簪花作報書，蕙帳獨憐人去後。  
桂輪又見月生初，金屏却憶當年夢。  
為雨為雲總未如。

柔腸婉轉若為通，縹緲神仙小院東。  
曉嶂乍添眉暈綠，夜裯新減臂粧紅。  
難傳密約烏絲裏，好譜相思鳳紙中。  
何日與卿同舉案，吳儂廬下老梁鴻。

璧月金鋪轉蓐收，九微仙帳掩青牛。  
盧家錦瑟初調曲，石氏香塵不印鉤。  
自整芳衾迎好夢，空施小簾待新秋。  
吳江越水知無際，何得同來枕畔流。

生翠文鴛不暫離參差鳳管好同吹燈懸珠蚌新垂焰  
衣剪冰蠶舊絡絲折盡南塘紅菡萏粧成北地紫胭脂  
武皇未解當時意却遣蓬萊太乙祠

西風雙槳帝城遊憔悴茗華杜若洲幽夢細尋行雨路  
新眉長結晚山愁珠娘寂寞鮫人淚簫侶淒涼鳳女樓  
小煖輕寒深院裏懊儂情思是三秋

夢迴芳草碧迢迢星渚依稀舊鵲橋堤外垂楊眠未起  
花間睡蝶粉初消重來畫閣聽春雨相送蘭舟逐暮潮



兩地朱顏憔悴老徐娘顏色沈郎腰

松桂堂全集卷三十一